

Najukkat pillugit Inatsisartut inatsisaat nr. 17, 27. november 2018-imeersoq

Kapitali 1

Illoqannginnersat, aqquserngit aqqusineeqqallu aqqisa, illuliat normuisa, najukkat, allallu aalajangersarneqarneri. Najukkat pillugit Oqartussat

§ 1. Najukkat pillugit Kommunalbestyrelsi oqartussaasuullunilu aalajangersaasartuuvoq kommunimi illoqannginnersat-, aqquserngit-, aqqusineeqqallu aqqinut, Inatsisartut inatsisaanni matumani malittarisassat malillugit malittarisassallu tassani atuutsinneqalersimasut naapertorlugit.

Kapitali 2

Aqquserngit aqqi

§ 2. Illoqannginnersat-, aqquserngit- aqqusineeqqallu, ilaatillugit aqquserngup atiata paatsuugassaangissusianut, nunap assingani isorartussusianut, aqquserngit ilisarnaataannut, tunniussinernut, allannguinernut allagartalersuinernullu malittarisassanik Naalackersuisut aalajangersaasarput.

Illuliat normui

§ 3. Illoqarfimmi imaluunniit nunaqarfimmi illuliat ataavartut tamarmik illuliap normuanik nalunaarsorneqassapput.

Imm. 2. Illuliat allamut atasut imm. 1-imi piumasqaammut ilanngunneqanngillat. Taamaalillutik illulianut aalajangersimasunut ataavartunut paatsuugassaangitsumik atasutut pissusillit, tassa quit, biilinit eqqussiviit assigisaallu namminerisaminnik illuliatut normoqassanngillat.

Imm. 3. Illuliat normui, ilaatillugit illuliat normuisa sanarfinerat aqqissuussaanerallu, illuliat killilersorneri, ataasiakkaatut taaguusersorneri, tunniunneqarneri allanngortinnerilu pillugit Naalackersuisut aalajangersakkanik aalajangersaasinnaapput.

Illut normui

§ 4. Illut normui tunngavigalugit najukkanik sumiiffilersuinermi aqqissuussinermik peqareertillugu, illoqarfinni nunaqarfinnilu ingerlaavartumik illulianik normulersuisoqartassaaq.

Imm. 2. Illut normuinik, ilaatillugit illut normuisa sanarfinerannik aqqissuussaanerannillu, illuliat killilersornerinik, ataasiakkaatut taaguusersornerinik, tunniunneqarnerinik, allanngortinnerik allagartalersornerillu Naalackersuisut malittarisassanik aalajangersaasinnaapput.

Postnormut

§ 5. Naalackersuisut pisortatigoortumik postnormunik aserfallatsaaliissapput.

Imm. 2. Isumaqatigiissut malillugu, pisortatigoortunik postnormunik aqqissuussanik

aserfallatsaaliinissamik, Naalakkersuisut POST Greenland-i piginnaatitaaffilersinnaavaat.

Imm. 3. Pisortatigoortunik postnormunik aaqqissuussamik aserfallatsaaliissasoq Naalakkersuisut POST Greenland-i peqqusinnaavaat.

Imm. 4. Imm. 2 aamma 3 malillugu pisortatigoortuusunik postnormunik aaqqissuussaasunik Naalakkersuisut aserfallatsaaliuillutillu nakkutilliissapput.

Imm. 5. POST Greenland tusarniaavigereerlugu inuillu nalunaarsuiffiata atoriaannaaneranut piumasaaqatitit naammassinnittumik postnormunik aaqqissuuseriaatsip iluani postnormunik aaqqissuussamik ilusilersuinermit aserfallatsaaliuinemullu tunngatillugu Naalakkersuisut aalajangersakkanik aalajangersaasinnaapput.

Sumiiffik

§ 6. Nalunaarsorneqartut inoqarfiit, ilaatillugit illoqarfiit imaluunniit nunaqarfiit savaateqarfiillu, aatsitassarsiorfiit stationilluunniit pillugit sumiiffiit nalunaarsuutaannut maleruagassamik Naalakkersuisut aalajangersaassapput.

Imm. 2. Sumiiffinnik nalunaarsuivik, ilaatillugit sumiiffinnut normut, sumiiffinnut ilisarnaatit, killiffigisamat ilisarnaatit, suussusermut ilisarnaatit, aaqqissuuseriaaseq, inoqarfinnullu paasissutissat allannguutillu killiffiannik nalunaarsuineq pillugit Naalakkersuisut aalajangersakkanik aalajangersaassapput.

Najukkat (adressit)

§ 7. Najugaq taaguutaavoq katitigaq, nunaminertamat sanaartorfiunngitsumut imaluunniit illuliamut, illulialluunniit ilaanut aalajangersimasumut aqqutitut aqquteeqqatulluunniit tikkuussisoq taaguusiisorlu.

Imm. 2. Taanna taaguut katitigaasoq, najugaasoq, makkuninnga imaqarpoq:

- 1) illoqannginnersamik-, aqqusinermik-, aqquseeqqap aqqanik sumiiffimmilluunniit,
- 2) illup normuanik imaluunniit imaassinnaasoq ataasiakkaatut taaguutitalerlugu illuliap normuanik, kiisalu
- 3) postnormumik, postnormoqarfiusumut ateqaataa ilaatillugu.

§ 8. Najukkanut Oqartussaasoq illulianut tamanut, sanaartorfiusimasunut imaluunniit sanaartorfiginissaannut pilersaaruteqarfigineqartunut nunaminertanut tamanut najukkanik aalajangersaasuusaaq, taamaattoq tak. § 9.

Imm. 2. Illulianut tamanut, ilaatillugit inuussutissarsiorfinnut immikkoortukkuutaartunut inissiaqatigiinnullu immikkoortukkuutaartunut, Najukkanut Oqartussaasoq immikkut najukkanut tunngatillugu aalajangersaasuusaaq.

Imm. 3. Illoqannginnersap-, aqquserngup imaluunniit aqquseeqqap aqqa suna, illup normua suna imaluunniit illuliap normua suna kiisalu ataasiakkaatut taaguutaasinnaasoq ilaatillugu, najukkap taaguutaanut ilaatinneqassanersoq, malittarisassat qaqugukkulluunniit atuuttut qimerluujutigalugit, najukkanik aalajangersaanermit atatillugu, tak. imm. 2, Najukkat pillugit Oqartussaasoq aalajangiisassaaq.

Imm. 4. Najukkat pillugit, ilaatillugit nunap assingani inissisimaffimmut paasissutissat pillugit, aamma imm. 1-imi 2-milu eqqaaneqartunit illulianut allaanerusunut, nunaminertanullu

sanaartorfiunngitsunut, allanullu najukkanut aalajangersarneqarsinnaaneranni, kiisalu pisuni immikkut ittuni inissiaqatigiit illuliat immikkoortuinut tamanut najukkamik ataasiinnaanngitsumik nalunaarsuisinnaanermik aalajangersaasoqarsinnaanera pillugu Naalackersuisut malittarisassanik aalajangersaasinnaapput.

§ 9. Kalaallit Nunaanni kommunikuutaartumik aggorniliat avataanni najukkanik Naalackersuisut aalajangersaassapput.

Kapitali 3

Piginnittut paasissutissiinissamut pisussaaffiat

§ 10. Illuliamik, illuliap ilaanik assigisaannilluunniit piginnittoq, imaluunniit nunaminertamik atuinissamut pisinnaatitaanermik pigisaqartoq, Najukkanut Oqartussaasoq tamatuminnga qinnuteqarpat, illoqannginnersat-, aqquserngit- imaluunniit aqqusineeqqat aqqinik, najukkanillu aalajangersaanissamut kiisalu tamakkuninnga nalunaarsuinermi atugassanik paasissutissanik nalunaaruteqassaaq. Piginnittoq atuinissamittaaq pisinnaatitaaffimmik pigisaqartoq, Najukkanut Oqartussaasoq tamatuminnga qinnuteqarnera naapertorlugu, paasissutissat eqqortuunerannik uppernarsaassaaq.

Imm. 2. Imm. 1-imi paasissutissiinermit pisussaaffik pillugu Naalackersuisut aalajangersakkanik sukumiinerusunik aalajangersaasinnaapput.

Kapitali 4

Allagartalersuineq

§ 11. Sanaartukkani assigisaannilu illut normuisa allagartaasa, ataasiakkaatut normuisa, illuliat normuisa allagartaasa innersuussinermullu allagartaasa suliarinerinut, pajugutiginerinut, inissinnerinut qaammarsagaanerinullu il.il. tunngatillugu Naalackersuisut malittarisassanik aalajangersaasinnaapput.

Imm. 2. Najukkat pillugit Oqartussaasup, maleruagassiukkami makkuninnga aalajangersaasinnaanera pillugu, Naalackersuisut malittarisassanik aalajangersaasinnaapput:

- 1) Ersittumik, pisariaqassappallu qaammarsakkanik, illulianut normunik, illunut normunik, ataasiakkaatullu normunik allanillu aalajangersakkat ersiutaannik allagartanik illulianik piginnittup ikkussinissaa pillugu maleruagassanik.
- 2) Allagartat pissusaat, ilusaat illuliamilu inissinnerat, ilaatillugit illuliat normui-, illut normui- aamma ataasiakkaatut normui Najukkat pillugit Oqartussaasunit allatsinneqarnissaat pillugit maleruagassat tunniussinermullu akitsuummik Najukkat pillugit Oqartussaasut piumasaqarsinnaaneri pillugit maleruagassanik.
- 3) Maleruagassami aalajangersakkap malinneqarnissaa pillugu illuliamik piginnittumut peqqusissummik Najukkat pillugit Oqartussaasup atulersitsinissaa pillugu maleruagassanik.

Misissuineq

§ 12. Najukkanut Oqartussaasoq sioqutsisumik nalunaareernerup kingorna erseqqissumillu kinaassutsumik uppernarsaammik takutitsinikkut illuliap silataanik misissuinissaq najukkallu sumiiffiata aalajangiunnissaa siunertaralugu imaluunniit § 11 malillugu malittarisassatut aalajangersakkat naapertorlugit allagartalersuinerup suliarineqarsimanerata misissornissaa pillugu illuliamut

sumulluunniit palligunnissaminut pisinnaatitaavoq.

Imm. 2. Najukkanut Oqartussaasoq sioqqutsisumik nalunaareernerup kingorna erseqqissumillu kinaassutsimik uppernarsaammik takutitsinikkut tamanut ammasut illuliat iluinik misissuinissamut najukkap sumiiffiata aalajangiunnissaa siunertaralugu imaluunniit § 11 malillugu malittarisassatut aalajangersakkat naapertorlugit allagartalersuinerup suliarineqarsimanerata misissornissaa pillugu pisinnaatitaavoq.

Imm. 3. Najukkanut Oqartussaasoq taamaallaat eqqartuussisup aalajangiineratigut, tamanut ammasuunngitsunut, najukkallu sumiiffiup aalajangiunnissaanut taamaallaat siunertaqarluni imaluunniit ilimagineqarpat allagartaqartitsineq § 11 malillugu malittarisassat aalajangersarneqartut annertuumik saneqqunneqarsimasut, illuliat iluinik misissuinissamut appakaannissamut akuerisaasinnaavoq.

Kapitali 5

Oqartussaassusermi pissutsit

§ 13. Illoqannginnersat-, aqquserngit- imaluunniit aqqusineeqqat aqqi najukkallu pillugit paasissutissanik imalik nuna tamakkerlugu tunngaviusunik paasissutissanik nalunaarsuiffiusoq, Kalaallit Nunaata Najukkanut Nalunaarsuiffia, Naalakkersuisut pilersissavaat ineriartorteqqillugulu, taamaattoq tak. imm. 2.

Imm. 2. Kalaallit Nunaata Najukkanut Nalunaarsuiffianik pilersitsinissaq ineriartortitseqqinnissarlu piginneqatigiiffimmut Naalakkersuisut piginnaatitaaffiliissutigisinnaavaat.

Imm. 3. Tunngaviusunik paasissutissat Kalaallit Nunaata Najukkanut Nalunaarsuiffianut nalunaarutigissallugit Najukkat pillugit Oqartussaasup pisussaaffigaa.

Imm. 4. Najukkat pillugit Oqartussaasup Kalaallit Nunaata Najukkanut Nalunaarsuiffianik ingerlatsineq isumagissavaa.

Imm. 5. Illoqannginnersat-, aqquserngit- aqqusineeqqallu aqqinut, najukkanut ujarliutinut, ataasiakkaatut najukkap sumiiffianut, kommunimut, postnormuanut, najukkap pissusianut aamma ulloq najukkap atuutilerfianut paasissutissat suut Kalaallit Nunaata Najukkanut Nalunaarsuiffianut nalunaarutigineqassaneri pillugit Naalakkersuisut malittarisassanik aalajangersaassapput.

Kapitali 6

Tunngaviusunik paasissutissanik atuineq

§ 14. Nunaminertat pigisat, sumiiffiit, nunap assingi nunalerutillu pillugit pisortani Kalaallit Nunaanni Tunngaviusunik paasissutissanut nalunaarsuiffiini, nalunaarsuinermi, illoqannginnersat-, aqquserngit- imaluunniit aqqusineeqqat aqqinik imaluunniit najukkap sumiiffianik ilaqartuni, suut illoqannginnersat-, aqquserngit- imaluunniit aqqusineeqqat aqqi najukkallu nassaasaaneri pillugit paasitsiniaanermut Kalaallit Nunaata Najukkanut Nalunaarsuiffia, ilisimaarinnittutut oqartussaasutut paasinaavittut atorneqartassaaq.

Imm. 2. Pisortani suliffeqarfiit Oqartussaasullu nutaanik Kalaallit Nunaata qarasaasiaqarfiinik pilersitsinermi, nalunaarsuutaatik illoqannginnersap-, aqquserngup aqqanik imaluunniit najukkap taaguutaanik imaqtut, ataqtigimmik aqqissuussaatik ima inissitertassavaat, illoqannginnersat-, aqquserngit imaluunniit aqqusineeqqat suut nassaasaaneri pillugit paasissutissinermi Kalaallit Nunaata Najukkanut Nalunaarsuiffia, ilisimaarinnittutut Oqartussaasutut paasinaavittut

atortassallugu.

Imm. 3. Pisortani oqartussaq illoqannginersap, aqquernup aamma inuinaat aqquataa aqqani imaluunniit Kalaallit Nunaanni Najukkanut nalunaarsuiffimmi kukkuneqartoq imaluunniit amigaateqartoq paasiguniuk imaluunniit paasitinnearuni kukkuneqartoq imaluunniit amigaateqartoq, tamanna pillugu paasissutissat najukkanut oqartussamut, Kalaallit Nunaanni Najukkanut nalunaarsuiffimmi iluarsisussamut, nalunaaruteqassaaq.

Kapitali 7

Nakkutilliinermik pisussaaffeqalerneq

§ 15. Kalaallit Nunaata Najukkanut Nalunaarsuiffianut tunngaviusunik paasissutissanik Najukkanut Oqartussaasup nalunaaruteqartarnera Naalackersuisut nakkutigissavaat.

Imm. 2. § 13, imm. 2 malillugu Kalaallit Nunaata Najukkanut Nalunaarsuiffianik pilersitsinissamut imaluunniit ineriartortitseqqiinissamut piginnaatitaaffiligaasut, piginneqatigiiffiit, Naalackersuisunit nakkutigineqassapput.

Imm. 3. Nakkutilliinerup ingerlannissaanut pisariaqartut paasissutissiinerit, paasissutissat allakkiallu, Naalackersuisut qinnuteqarnerisigut Najukkanut Oqartussaasup imaluunniit piginneqatigiiffiup Kalaallit Nunaanni Najukkanut Nalunaarsuiffimmi pilersitsinissamik ineriartortitsinissamillu piginnaatitaaffilikkap tunniutissavai.

Kapitali 8

Maalaaruteqarsinnaaneq

§ 16. Inatsisartut inatsisaat manna imaluunniit malittarisassat tamanna malillugu atulersitat malillugit Najukkanut Oqartussaasup aalajangigaa, eqqartuussisoqarnikkut apeqqutit eqqarsaatigalugit, Naalackersuisunut maalaarutigineqarsinnaavoq.

Imm. 2. Maalaaruteqarnissamut pisinnaatitaavoq:

- 1) taanna, aalajangiinermi pineqartoq, aamma
- 2) kinaluunniit, suliap inernissaanut ataasiakkaatut annertuumik soqutigisaqartutut isumaqarfigineqartoq.

Imm. 3. Maalaaruteqarnissamut piffissarititaq aalajangiinerup maalaarutaasup maalaaruteqarnissamut pisinnaatitaasumut apuunneqarnerata kingorna sapaatit akunnerinik sisamanik sivilisussuseqarpoq. Aalajangernermut, tamatumunnga tamanut nalunaarummik suliaqartoqarsimatillugu, maalaaruteqarnissamut piffissarititaq ullormiit tamanut nalunaarutigineqarneraniit naatsorsorneqassaaq. Tamatumunnga immikkut ittumik pissutissaqartillugu, Naalackersuisut maalaaruteqarnissamut piffissarititamik qaangiineq apeqqutaatinngissinnaavaat.

Imm. 4. Naalackersuisut allamik aalajangiussaqaqngippata, aalajangiinermut maalaarut unititsinermik sunniuteqassanngilaq.

Imm. 5. Aalajangiinerit, imm. 1-i malillugu maalaarutigineqarsinnaasut, taamaattoq Naalackersuisut aalajangiinerisa kingorna kingusinnerpaamik qaammatit arfinillit qaangiutsinnagit, maalaaruteqarsinnaaneq atorneqareersimatinnagu, eqqartuussisunut tunniunneqarsinnaanngillat.

Kapitali 9

Imminut ikiornissamut iliuutsit

§ 17. Najukkat pillugit Oqartussaasup peqqusineratut nunaminertamut atuisinnaatitaanermik pisinnaatitaaffimmik pigisaqartoq imaluunniit illuliamik piginnittoq § 10 malillugu paasissutissanik allakkianillu saqqummiussingippat imaluunniit § 11 malillugu sulissuteqanngippat, atuisinnaatitaanermut pisinnaatitaaffimmik pigisaqartumut peqqusissutip apuunneqarneraniit siusinnerpaamik sapaatit akunneri marluk ingerlareerpata Najukkat pillugit Oqartussaasoq piginnittup pineqartup imaluunniit atuisinnaatitaanermut pisinnaatitaaffimmik pigisaqartup akiligassaanik tamakkuninnga paasissutissanik allakkianillu piumasaqaataasunik katersisinnaavoq.

Imm. 2. Najukkat pillugit Oqartussaasup peqqusineratut nunaminertamut atuisinnaatitaanermik pisinnaatitaaffimmik pigisaqartoq imaluunniit illuliamik piginnittoq § 10 malillugu paasissutissanik allakkianillu saqqummiussingippat imaluunniit § 11 malillugu sulissuteqanngippat, illuliamik piginnittoq imaluunniit nunaminertamik atuisinnaatitaanermut pisinnaatitaaffimmik pigisaqartoq piffissap sukumiinerusumik aalajangersakkap iluani peqqusissummik naammassinninngippat Najukkat pillugit Oqartussaasoq illuliamik piginnittup imaluunniit nunaminertamik atuisinnaatitaanermut pisinnaatitaaffimmik pigisaqartup akiligassaanik nammineerluni allagartanik allanilluunniit ikkussuineramik suliaqarsinnaavoq.

Imm. 3. Sulianut imm. 1-i aamma 2 malillugit suliarineqarsimasunut aningaasartuutit uterteqquneqarsinnaasut, atortorissaarusersornikkut (teknikkikkut) ikiortinnermut aningaasartuutitik uppersaatitalinnik kiisalu allaffissornermi aningaasartuutitik uppersarsarneqarsinnaasunik ilaqarput.

Kapitali 10

Atuutilerfia

§ 18. Piffissaq Inatsisip atuutilerfissaa Naalackersuisut nalunaaruteqarnermikkut aalajangersassavaat. Inatsisip immikkoortuisa assigiinngitsut, piffissani assigiinngitsuni atuutilernissaat ilaatillugu, Naalackersuisut aalajangersarsinnaavaat.

Namminersorlutik Oqartussat, ulloq 27. november 2018

Kim Kielsen